

Nærings- og Fiskeridepartementet

Høyring - Utkast til forskrift om kapasitsauke for tillatelsar til akvakultur med matfisk i sjø av laks, ørret og regnbueørret i 2017/2018

Innleiande

Sogn og Fjordane fylkeskommune syner til «utkast til forskrift om kapasitetsøkning for tillatelsar til akvakultur med matfisk i sjø av laks, ørret og regnbueørret i 2017/2018», sendt på høyring av Nærings- og fiskeridepartementet 2.november med frist for høyringssvar 8.desember 2017.

Fråsegn

Sogn og Fjordane fylkeskommune meiner avgjerda om å sette område 4 i raudt er gjort basert på det vi meiner er eit svakt kunnskapsgrunnlag, med for få overvakingsdata over ein for kort periode (2 år). Det må prioriterast å hente inn meir og breiare kunnskap i vårt område.

Sogn og Fjordane fylkeskommune ser positivt på at ordninga vil kunne generere ei relativt stor inntekt til kommunar og fylkeskommunar, men meiner kostnaden på kr 120 000 pr. tonn vekst kan vere noko høg. Vi ber departementet vurdere å gjennomføre auksjonen først, for å sjå kva pris marknaden set pr. tonn konsesjonsbiomasse, og deretter fastsette pris på det faste salet til eksisterande konsesjonar.

Bakgrunn

Nytt system for kapasitetsjusteringar i norsk lakse- og aureoppdrett tok til å gjelde 15.oktober 2017. Innanfor kvart av produksjonsområda vert næringa sin miljøpåverknad vurdert i form av korleis lakselus påverkar vill laksefisk. Er miljøpåverknaden akseptabel (grønt) vil næringa kunne få tilbod om vekst. Er miljøpåverknaden moderat (gult) vert kapasiteten frosen, og er miljøpåverknaden uakseptabel (raudt) kan kapasiteten senkast.

Usikkert kunnskapsgrunnlag

Ei ekspertgruppe har levert ein rapport der dei har gått gjennom all tilgjengeleg kunnskap på området, og vurdert åra 2016 og 2017, men ikkje gjort ei samla vurdering for dei to åra. Basert på denne rapporten har ei styringsgruppe gitt departementet eit fagleg råd. Styringsgruppa har vore samansett av 3 representantar, dvs ein frå kvart av institutta; Veterinærinstituttet, Havforskningsinstituttet og Norsk institutt for naturforskning.

Sogn og Fjordane fylke ligger i område 4 (Nordhordland til Stadt). Dette området vart sett i raudt og styringsgruppa hadde gitt følgjande råd:

Sannsynlig dødelighet > 30% med middels usikkerhet: Usikkerheten er vurdert til middels fordi det finnes bare overvakingsdata fra deler av området, som viser høy risiko, samtidig som deler av området har dårligere dekning.

For 2016 vurderte ekspertgruppa risikoen til 10-30 %, medan det i 2017 vart sett til < 30%.

Styringsgruppa har gjort ei samla vurdering for perioden 2016-2017, basert på lik vekting av desse åra. Der vurderingane er forskjellig for eit område i dei to åra og usikkerheten er middels eller stor, har styringsgruppa valt ei konservativ tilnærming, som inneberer at det er det året med høgast risiko som har blitt gitt størst vekt.

Rådet er basert på overvakingsdata frå trål og bur i ytre Sognefjorden og ved Sørbøvågen, eit område ytterst i Nordfjord. Rådet meiner infestasjonen på ruse og garnfanga sjøaure i ytre deler av Sognefjorden samt i Nordfjord fører til høg risiko for lakselus indusert dødelegheit på utvandrande laksesmolt.

Sogn og Fjordane fylkeskommune er ikkje nøgd med at få overvakingsdata over ein periode på berre to år skal vere grunnlag for ei avgjerd for vekst eller ikkje i vårt område.

Økonomi

Etter den nye ordninga vert det no gjeve tilbod om vekst på 6 % for dei produksjonsområda som har fått «grønt lys» ut frå indikator lakselus. Dette gjeld for 8 av dei 13 produksjonsområda.

I forslaget som no er sendt på høyring gjeld 2 % vekst i dei 8 grønne områda. Resterande vekst (4%) i dei same områda vil bli gjennomført som ein auksjon med nye løyver på eit seinare tidspunkt.

Vederlaget for 2 % vekst er sett til 120 000 kr. pr. tonn vekst på eksisterande løyve. Eit vanlig løyve på 780 tonn MTB gjev ein kapasitetsauke på 16 tonn og eit vederlag på 1 920 000 kr om tilbodet vert nytta.

Denne ordninga vil kunne generere ei relativt stor inntekt til kommunar og fylkeskommunar, føresett at heile 6% veksten vert selt. Kostnaden på 120 000 pr. tonn vekst kan vere noko høg. Fylkeskommunen vil difor foreslå at det gjennomførast ein auksjon først for å sjå kva pris marknaden set pr. tonn konsesjonsbiomasse og deretter fastsette pris på det faste salget til eksisterande konsesjonar etter dette.

Med helsing

Jan Heggheim
Fylkesdirektør

Elisabeth Aune
seniorrådgjevar

Brevet er elektronisk godkjent og er utan underskrift